

běch, dha ryczach jako džěcžo a běch mudry jako džěcžo a mějach džěcžaze pomyslenje; hdyž so pak muž scžinich, wopuschczich to džěcžaze waschnje. Wot pónacža pak wón takle praji: My hlada my nětk psches schpihel we potajnym słowje, tehdy pak wot woblicža k woblicžu. Nětk ja pónaju po kruchu; tehdy pak budu dopónacz, kaž tež ja dopónaty bym. Wšach tež na Khrystuſowej zyrkwi widzimy, so njeje pschezo te krasne dziwne dary wobkhowała, kiž běchu jej we jejnym přenim času jako we jejnych džěcžaznych lětach date; wjele bóle budze we wěcznosći wschitko pschekrasnjene, schtož w tutym žiwjenju słaby sapočatk mějesche a s Knjesoweho Ducha běsche. Tak pak s luboscju njeje: ta nihdy njewupanje a žaneho kónza nima, wona je sama s wěcznosće, haj s Božeje wutrobny wsata a w tutym khudym žiwjenju do cžlowfskich wutrobow schcžěpjena, so by plody pschinješka sa wěcznosć.

Hdyž je tak swjaty Pawoł luboscž porujo duchomnym darom wobhladał, dha ju nětk napschecziwo staji wěrje a nadziji a rjeknje k wobsanujenju: Nětk pak wostanje wěra, nadzija, luboscž, te tři, ale ta luboscž je najwjetscha bjes nimi. Nětk pak, tak wón praji, dokelž je předy wot wěcznosće ryczał, so by naš sažo na nětczišchi čas cžlowfskeho žiwjenja a schesczijanskeje zyrkwe pokasał. Hacz runjež te dziwne dary pschezo w zyrkwi njewostanu, dha tola te tři wězy pschezo dyrbja wostacž, dokelž su najwosřebnišche mozy a wopokasanja snutskomneho duchomneho žiwjenja schesczijanow a we nich zyle schesczijanstwo samo wobsteji. Wone su — móhl rjez — wěsta trojiza hnadnych mozow swjateho Ducha we wutrobach schesczijanow a snamjo tsijeniczleho Boha, do kotrehož wěrja. Wěra so sepjera na to, schtož je w sańdženym času so k našchemu sbožu stalo, nadzija hlada na to, schtož budze so stacž w pschichodnym času k dokonjenju našcheje sbóžnosće, luboscž pak w nětczišchim času Boha a cžlowjekow, njebješa a semju wobjima.

Čžeho dla pak Pawoł praji, so je luboscž najwjetscha bjes nimi? Njemohło so jenemu sdacž, so tuta česć wěrje słuscha, dokelž cžlowjeka sbóžneho čini, abo nadziji, dokelž dze na krasnosć wěczneho žiwjenja? Dha wšach Pawoł lubosczi tu khwalbu dawa, so je wjetšcha,